



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

Articulus VII. Quam vim probandi habeat narratio facti?

---

[urn:nbn:de:hbz:466:1-73001](#)

semper est pro Reo convento, donec aliquid contra ipsum ostensum sit; dum autem verbum aliquod, aut sententia dubia profertur, nihil ostensum est, cum nesciatur, in quo sensu intelligi debeat. Non autem semper exigi in civilibus causis probationes manifestissimas, patebit in titulis seqq.

## ARTICULUS VI.

*De probatione facienda in judiciis communibus.*

**1499.** *Judicia communia, seu duplia dicuntur, in quibus quilibet litigantium est Actor, & Reus; consequenter, qui libet subit onus faciendæ probationis, prout contingit in judiciis familie heriscundæ, communi dividendo, & finium regundorum. Quæ porrò in his judiciis probatio adhibenda sit? diximus à n. 1457. ubi etiam exposuimus, quis obtineat in judicio finium regundorum, ubi scilicet agitur, ut agris, quando litigantes confines agros habent, termini ponantur, ut dicitur §. quædam actiones, Institut. de actionibus; &c.*

**1500.** Potissima quæstio est in judicio, quo agitur de retinenda possessione, utroq; litigantium contendente, se in solidum possidere rem eandem, ac petente, sibi possessionem adjudicari, alteri simul imponendo, ut desistat ab ea occupanda, & injuste molestando. De hoc agitur in c. *Licet causam, q. de probat.* ubi dicitur, quod si Actor, & Reus agant in judicio possessionis retinendæ, is obtineat, qui antiquorem possessionem, maxime titulo justificatam probat, vel meliores probationes respectu possessionis adducit. Ex quo c. deducitur. 1. quod probat antiquiori possessione, illa, quæ est junior, clandestina, & turbativa præsumatur, ut colligitur ex cit. c. *Licet, ibi: illa procul dubio sine justo titulo;* sic Farinacius p. 1. in recentior. decis. 476. n. 4. Deinde, per exactionem gabellarum probari quasi possessionem jurisdictionis, ut notatur ibidem illis verbis: *aliqua servitia;* sic Menochius 15. remed. recuper. n. 327. Deducitur 3. duobus modis posse agi interdicto *retinendæ pos-*

*sessionis;* nimirum, vel ut Actor in solidum contendat, & petat, sibi omnem possessionem adjudicari, & adversario præcipi, ut desistat à praesente molestatione, & in futurum non molestet; insuper petendo compensationem damnorum, seu quanti interest, molestationem factam non esse: vel, si unus contendat, sibi competere possessionem aliquam, v.g. ut Domino proprietatis, alter, tanquam usufructuario; & in primo aliter, aliter in secundo esse pronuntiandum. Si enim uterque contendat totam possessionem esse suam, pronuntiare non debet dicendo, *uti possidetis, ita possideatis deinceps* (quia duo non possunt eandem rem in solidum possidere) sed vel habenti antiquorem possessionem, ut dictum est, vel meliores probationes, debet rem adjudicare; ita c. *licet causam.*

## ARTICULUS VII.

*Quam vim probandi habeat narratio facti?*

**Q**ualiter probetur per *acta judicii,* <sup>1501</sup> rem ita factam esse, prout in illis scriptum reperitur, diximus n. 160; quæstio hic est, quam vim probandi habeant ea, quæ narrantur in literis Pontificis? de hoc casu agitur in Clement. *unic. de probat.* ubi sic disponitur: *literis Apostolicis*, quibus nos dignitates quaslibet, seu beneficia collationi nostræ, vel sedi Apostolicæ referuisse, aut resignationem beneficij aliquujus recepisse, vel recipiendo potestatem alii commisisse, vel aliquem excommunicasse, seu suspendisse, seu aliquem Capellatum nostrum, vel familiarem fuisse, vel alia similia (*super quibus gratia, vel intentio nostra fundatur*) fecisse narramus, censemus *super sic narratis fidem plenariam adhibendum.* *Volentes ad præterita, & pendentia (etiam per appellationem) negotia, hoc extendi.*

Circa hanc dispositionem not. 1. eam <sup>1502</sup> procedere, quando Pontifex narrat *factum proprium* in literis, super quibus fundatur gratia Papæ, factum proprium narrantis, ut patet ex cit. textu; & ejusmodi verba narrativa, plenam fa- cere

cere probationem, ibi: censemus super sic narrantis fidem plenariam adhibendam: non sic dicendum existimant aliqui, quando Pontifex in ejusmodi literis agit de facto alieno; nam Tiraquell. *de retract.* §. 1. gloss. 14. apud Barbos. in dict. Clementin n. 4. dicit: quod enuntiativa verba summi Pontificis, seu alterius Principis super factō alieno, quamvis super eo innatur inten-  
tio rescribentis, regulariter non probent; quod alii limitant, ut non probent de alieno factō, nisi *presumptivē*, donec probetur contrarium; sic Mascardus *de probat.* conclus. 1227. à n. 64. quod verum puto, nisi gratiam fundet in narratis alieni facti, *falsā suggestione* propositi; tali enim casu, & si in literis Papae per verba narrativa facti proprii, ipsius factum recte probetur; non tamen probatur veritas eorum, quae ipsi ab aliis suggesta sunt. Et ideo, producens rescriptum Papae, super aliquā dispensatione, recte quidem probat concessionem; sed solum ex suppositione, quod vera sint, quae ad indultum concedendum, tanquam cause motivae in literis narrantur; quin eorum veritas dicto rescripto probetur.

1503. Not. 2. ex illis dictis Clementinæ verbis (*literis nostris*) deduci, procedere quidem conclusionem ex eadem desumptam in literis summi Pontificis, ut notat Mascardus cit. n. 24. & alii; in aliis tamen, ut notat n. 26. hanc prærogativam *inferiorum* literis non habere locum. Cæterū, quæ diximus de narratis à Papa quoad factum proprium, censet Pari-  
sius *de resignat. benefic.* l. 8. q. 1. à n. 1. procedere non solum, si attestetur fuisse in suis manibus factam resignati-  
onem, & ab eo receptam; sed etiamsi attestetur in manibus prædecessoris, & per ipsum acceptatam; non autem si Papa afferit, renuntiationem factam fuisse in manibus Commissarii, aut Ordinarii, vel alterius; quia tunc ejus assertio non statut; &, quamvis Pontifex afferat, renuntiationem talis beneficii esse factam coram se in ejus manibus *per Procuratorem*, quia tunc, licet probet hujusmodi assertio *renun-*

*ciationem*; non tamen probat illum fuisse verum procuratorem, & habuisse legitimū mandatum.

Not. 3. quamvis assertio Papæ atte-  
stantis de proprio factō, ita probet, ut in contrarium non admittatur probatio, ut tradit Mascardus cit. *de probat.* conclus. 1239. ex Glossa tamen in dict. Clementin. V. commisſe, ibi: *nisi contrarium probetur*, deduci, quod Principis narratio recipiat probationem contrarium *per indirectum*, ut per Mascard. cit. n. 39. Rot. decif. 523. n. 7. apud Farinacium in 1. collect. novissimarum alias p. 4. divers. ubi decisum constat, quod contra attestacionem Papæ faciem motu proprio admittatur probatio in contrarium; hinc etiam inferri solet ad hoc, quod præsumptio juris, & de jure admittat probationem in contrarium *per indirectum*, ut tradunt Mascardus conclus. 1371. n. 44. Sanchez de matr. lib. 7. D. 37. n. 33.

Not. 4. tunc censi Papam intenti-  
onem suam fundare super factō proprio  
à se narrato, quando id, quod per tales  
literas intendit, supponit factum pro-  
prium Papae; ut, si in rescripto Apo-  
stolico Pontifex alicui concedat bene-  
ficium, dicens *illud se prius sibi reser-  
vasse*; intentio conferendi tale bene-  
ficium, supponit factum Papae, nimi-  
rum ejus reservationem prius factam;  
unde vi talis rescripti plenè probata  
manet ejus reservatio. Quamvis au-  
tem Pirhing *de probat.* n. 65. §. coll. 2.  
idem affirmet de narratione facti *alieni*, constituens discrimen inter illam,  
& narrationem facti proprii, quod  
hæc plenè probet, quin admittat probatio-  
nem in contrarium; illa vero esto  
etiam plenè probet, admittat probatio-  
nem in contrarium, si Pontifex super  
alieno factō à se narrato fundet suam  
intentionem: id tamen videtur limi-  
tandum, ut non procedat in factō alieno,  
de quo agit Pontifex solum *ex alio-  
rum suggestione*, ut diximus supra  
n. 1502.

Dixi: si suam intentionem fundet  
super factō alieno à se narrato; nam  
in casu contrario verba narrativa non  
probant, rem sic esse (nempe sic in ve-  
ritate se habere alienum factum) prout  
poni-

ponitur in narratione; exemplum dant aliqui ex c. si Papa, 10. de Privileg. in 6. ex quo volunt non probari plenè exemptionem, ex verbis rescripti, quo Pontifex incidenter narrat, aliquam Ecclesiam pertinere ad ius, & proprietatem Ecclesiæ Romanæ; quia suam intentionem non fundat super illis narratis, ut notat *gloss. in cit. Clement. unic. V. fecisse narramus.*

1506. Not. 5. quod dicimus per verba Papæ proprii facti narrativa haberi plenam probationem, quando super illis narratis fundat suam intentionem, vi textus procedere solum *in causis beneficialibus, & aliis sua jurisdictioni amplissime subjectis;* adeoq; non in profanis (nisi respectu subditorum temporali ejus potestati subjectorum) nec in his, quæ alieno subdito præjudicium afferunt; nam Pontifex in temporalibus alieni juris nihil disponere directè potest, ut diximus l. 1. Decret. tit. 2. de Constitut. ubi non intervenit periculum æternæ salutis, quod cavere, directè, ac jure proprio, pertinet ad summum Pastorem cunctorum Fidelium.

1507. Not. 6. eos, qui volunt verba Pontificis enuntiativa facti proprii, super quo fundat suam intentionem, sic plenam facere probationem, faltem præsumptivè, intelligentes id de præsumptione juris & de jure, quæ scilicet non admittunt probationem in contrarium, hoc limitare, ut intelligatur de *probatione directa;* admittentes probationem contrariam solum *indirectè,* quâ refellatur Papæ narratio, & consequenter dispositio gratiosa super illa fundata; quod tamen intellige, si probatio illa indirecta fiat circa id, quod est *facti;* & non circa dispositionem *juris;* sic Mascalodus de *prob. volum. I. conclus. 139. à n. 18.*

## ARTICULUS VIII.

### *De probationibus certorum objectorum in speie.*

1508. Cum probatio fieri debeat circa facta, & quidem incerta, vel quoad substantiam, vel modum, qualitatem, aut aliam circumstantiam in judicium

deductam, & inter litigantes controversam, eamq; probabilem; illæ solum recipiendæ sunt, quæ ad eum finem tendunt, & rejiciendæ impertinentes, aut solum eò tendentes, ut litem prolongent, quo is, qui super possessione v. g. coram Judice conventus est, & valde probabiliter creditur (imo quandoq; scitur) succubiturus in causa, ultrius conservetur. Hæc enim intentio prorsus iniqua est, & à damno alteri ex continuata possessione, sive restituzione, nullatenus excusari potest. Plura porrò in hoc titulo tanguntur in specie, de quorum probationibus actore vel Reo excipiente præstandis decernitur.

Prima quæstio est, an alleganti *etatem*, 1509, in qua fundatur lis partium, in cumbat probatio? hujus quæstionis multiplex occasio est. Nam, ubi aliquid petitur, quod concedi, aut dari non solet, nisi constituto *in etate* jure requisita, si dubium, seu incertum sit, allegantem habere illam, prout jure exigitur, illi onus probationis incumbit. Talis casus controversus habetur in c. *in praesentia, 8. b. t.* ubi, cum inter duos Laicos, & Monasterium ls orta fuisset in causa hæreditatis de bonis Marci nepotis eorum ex Fratre; difficultas erat resolvenda *ex etate Marci.* Nam illi volebant Marci bona sibi deberi, eò quod à Patre suo fuerit gravatus in testamento; ut si sine liberis decederet, bona transirent ad fratres Testatoris superfites; econtra monasterium opponebat, quod Marcus se, & per consequentiam personæ, omnia sua bona obtulerit monasterio, consequenter ea non illis, sed monasterio esse adjudicanda.

Ad hæc illi duo dicebant, eam Marci dispositionem circa se, & bona sua in monasterium, factam ab illo, dum esset *minor*, consequenter invalidam, adeoq; testamento standum esse: sed Syndicus monasterii duo reponebat i. quod, licet Marcus tempore primæ oblationis fuerit *minor*; & de monasterio rursum egressus sit; tamen deinde iterum, se suaq; bona secundò obtulerit monasterio oblatione etiam juratā; deinde, licet ab illis probaretur